## THE SAIR FINGIR by Walter Wingate

You've hurt your fingir? Puir wee man! Your pinkie? Deary me! Noo, juist you haud it that wey till I get my specs and see!

My, so it is - and there's the skelf! Noo, dinna greet nae mair. See there - my needle's gotten it oot! I'm sure that wasna sair?

And noo, tae make it hale the morn, Put on a wee bit saw, And tie a bonnie hankie roun it Noo, there na - rin awaw!

Your fingir's sair an aw? Ye rogue, You're only lettin' on. Weel, weel, then - see noo, there ye are, Row'd up the same as John!